



S E H U E D I N A V .

14-02-2024

14-02-2024

JAVNO PREDUZEĆE ŽELJEZNICE FEDERACIJE BOSNE I HERCEGOVINE
društvo sa ograničenom odgovornošću SARAJEVO
71 000 Sarajevo, Musala 2

Reg.br. 065-0-Reg-06-000614 od 28.12.2006. godine kod Općinskog suda u Sarajevu; Glavni račun: KM 3389002207823509, DEVIZNI-IBAN: BA39+3389002207823509 SWIFT: UNCRBA 22 kod UNICREDIT BANK d.d. Mostar; Računi za redovno poslovanje: KM 1549212001826340, DEVIZNI-IBAN: BA39+50101200-875115 SWIFT: UPBKBA 22 kod INTESA SANPAOLO BANKA d.d. Bosna i Hercegovina; KM 1010000051807253, DEVIZNI-IBAN: BA39+1010000051807253, SWIFT: PBSCBA 22, kod PRIVREDNA BANKA SARAJEVO d.d. Sarajevo; KM 1990490075973745 kod SPARKASSE BANK d.d. Bosna i Hercegovina; KM 1020500000088171, DEVIZNI-IBAN: BA39+1020500000088171 SWIFT: UBKSBA 22 kod UNION BANKA d.d. Sarajevo; ID broj: 4200450270001; PDV broj: 200450270001; Porezni broj: 01071112

Broj: UD-2381-1-8.2./2024

Datum: 09.02.2024.godine

Mjesto: Sarajevo

Na osnovu člana 70. stav (1) i (3), a u vezi sa članom 64. stav (1) tačka a) Zakona o javnim nabavkama ("Službeni glasnik BiH", broj: 39/14 i 59/22), člana 58. Statuta JP ŽFBiH d.o.o. Sarajevo ("Službene novine FBiH" broj: 27/06, 5/08, 49/08, 57/09, 59/11, 92/12, 58/15, 24/17, 68/22 i 83/23), člana 19. stav (1) Pravilnika o javnoj nabavci roba, usluga i radova broj: UD-24662-1-3./2022 od 02.12.2022. godine JP ŽFBiH d.o.o. Sarajevo i Zapisnika o pregledu i ocjeni ponuda sa preporukom Komisije broj: 10861-1-2/2023 od 02.02.2024. godine, Uprava Društva na 3. sjednici, održanoj dana 09.02.2024. godine donijela je

ODLUKU
o izboru najpovoljnijeg ponuđača

I

Ugovor za javnu nabavku usluga – Izrada studije sa idejnim rješenjem za novu prugu Vareš – Banovići sa usklađenjem na postojeće pruge: Podlugovi – Vareš i Banovići – Živinice, dodjeljuje se Grupi ponuđača: „IPSA INSTITUT“ d.o.o. Sarajevo i „SARAJ INŽINJERING“ d.o.o. Sarajevo u ukupnom iznosu od 559.350,00 KM bez PDV-a, odnosno 654.439,50 KM sa PDV-om, po provedenom otvorenom postupku, tender broj: UD-10861-1/2023.

II

Ugovor se dodjeljuje u skladu sa članom 64. stav (1) tačka a) Zakona o javnim nabavkama ("Službeni glasnik BiH", broj: 39/14 i 59/22), tj. u skladu sa kriterijem ekonomski najpovoljnije ponude.

III

Za realizaciju ove Odluke zadužuju se Ekonomski poslovi Društva - Sektor za nabavke i prodaju.

IV

Ova Odluka stupa na snagu danom donošenja.

O b r a z l o ž e n j e

Uprava Društva Javnog preduzeća Željeznice Federacije Bosne i Hercegovine društvo sa ograničenom odgovornošću Sarajevo je Odlukom broj: UD-10768-1-7.4./2023 od 08.06.2023. godine odobrila pokretanje otvorenog postupka za javnu nabavku usluga – Izrada studije sa idejnim rješenjem za novu prugu Vareš – Banovići sa usklađenjem na postojeće pruge: Podlugovi – Vareš i Banovići – Živinice, tender broj: UD-10861-1/2023.

Obavještenje o nabavci je objavljeno na portalu javnih nabavki dana 27.06.2023. godine pod brojem: 1050-1-2-160-3-85/23, Ispravka obavještenja o nabavci dana 21.07.2023. godine pod brojem: 1050-1-2-160-8-93/23 i Ispravka obavještenja o nabavci dana 13.09.2023. godine pod brojem: 1050-1-2-160-8-112/23. Sažetak obavještenja o nabavci objavljen je u „Sl. glasniku BiH“ broj: 47/2023 od 07.07.2023. godine.

Na osnovu člana 63. Zakona o javnim nabavkama ("Službeni glasnik BiH", broj: 39/14 i 59/22) (u daljem tekstu: Zakon), Komisija je dana 11.10.2023. godine u 14:00 sati, izvršila javno otvaranje ponuda. Do roka određenog za prijem ponuda, blagovremeno su zaprimljene 2 (dvije) ponude, i to:

1. Ponuda Grupe ponuđača: „IPSA INSTITUT“ d.o.o. Sarajevo i „SARAJ INŽINJERING“ d.o.o. Sarajevo koja je ponudila sljedeće:

- Cijenu – 559.350,00 KM bez PDV-a, odnosno 654.439,50 KM sa PDV-om,
- Uslovi i način plaćanja - 60 dana od dana uredno zaprimljene fakture za isporučenu uslugu,
- Rok izvršenja – 175 dana od dana izdavanja narudžbe od strane naručioca.

2. Ponuda Grupe ponuđača: „PPG“ d.o.o. Sarajevo i Saobraćajni institut CIP d.o.o. Beograd koji je ponudio sljedeće:

- Cijenu – 420.000,00 KM bez PDV-a, odnosno 491.400,00 KM sa PDV-om,
- Uslovi i način plaćanja - 70 (sedamdeset) dana od dana uredno zaprimljene fakture za isporučenu uslugu,
- Rok isporuke – 180 dana od dana izdavanja narudžbe od strane naručioca.

Komisija je prvobitno izvršila pregled i ocjenu gore navedenih ponuda, te je u svom Zapisniku o pregledu i ocjeni ponuda sa preporukom Komisije broj: 10861-1-1/2023 od 03.11.2023. godine utvrdila sljedeće:

Ponuda Grupe ponuđača: „IPSA INSTITUT“ d.o.o. Sarajevo i „SARAJ INŽINJERING“ d.o.o. Sarajevo je ocijenjena neprihvatljivom i nepravilnom na osnovu člana 2. tačka 1) pod 2) i 3) Zakona, iz sljedećih razloga:

- Ponuđač nije dostavio uvjerenje/potvrdu o radnom stažu za ključnog stručnjaka 6./Vođa Tima kako je propisano tačkom 13.9. pod h) tenderske dokumentacije.

Naime, član grupe „SARAJ INŽINJERING“ d.o.o. Sarajevo je kao dokaz za tačku 13.9. pod h) tenderske dokumentacije dostavio Uvjerenje/potvrdu u kojoj se navodi da je Salketić Smajo kod istoga angažovan na radnom mjestu Samostalni projektant za saobraćaj i željeznički sektor od 15.05.2014. godine, čime dokazuje da ima ukupno 9 godina 4 mjeseca i 27 dana radnog iskustva čime ne ispunjava dokaz tražen tačkom 13.9. pod h) tenderske dokumentacije kojom tačkom se traži Uvjerenje/Potvrda o radnom stažu izdato od strane poslodavca kod kojeg je radio ili radi i iz kojih se može utvrditi da zadovoljava tražene uslove, odnosno najmanje 10 godina profesionalnog iskustva i najmanje pet godina iskustva u željezničkom sektoru.

Cijeneći da je u predmetnoj Potvrdi navedeno da imenovani ima iskustvo u stručnim poslovima sa visokom stručnom spremom u ukupnom trajanju 47 godina 8 mjeseci i 28 dana, navedeni podatak se ne može uzeti kao dokaz cijeneći da imenovani nije cjelokupno navedeno radno iskustvo stekao kod pravnog lica koje potvrdu izdaje, već kod drugog pravnog lica kod kojeg je radio i od kojeg je trebao ishodovati potvrdu o radnom iskustvu kod istoga, a u skladu sa članom 169. Zakona o upravnom postupku kojim je propisano da pravna lica izdaju Uvjerenja o činjenicama o kojima vode službenu evidenciju. Uvjerenja i druge isprave o činjenicama o kojima se vodi službena evidencija moraju se izdavati sukladno podacima službene evidencije. Takva uvjerenja, odnosno druge isprave imaju značaj javne isprave. Dakle, jedno pravno lice ne može izdavati uvjerenja o podacima iz službenih evidencija drugog pravnog lica.

- Ponuda nije dostavljena u skladu sa tačkom 16.2. tenderske dokumentacije cijeneći da je na koverti ponude naveden samo naziv i adresa ponuđača „IPSA“ d.o.o. Sarajevo, dok je za ponuđača „SARAJ INŽINJERING“ d.o.o. Sarajevo naveden naziv, ali ne i adresa ponuđača.

Naime, tačkom 16.2. tenderske dokumentacije je propisano da je na zadnjoj strani koverta ponuđač dužan navesti naziv ponuđača/grupe ponuđača i adrese ponuđača/grupe ponuđača.

Na osnovu gore navedenog, ponuda je odbačena u skladu sa članom 68. tačka (4) pod i) Zakona, jer ista nije potpuna i ne ispunjava zahtjeve iz tenderske dokumentacije.

Ponuda Grupe ponuđača: „PPG“ d.o.o. Sarajevo i Saobraćajni institut CIP d.o.o. Beograd je ocijenjena neprihvatljivom i nepravilnom na osnovu člana 2. tačka 1) pod 2) i 3) Zakona, iz sljedećih razloga:

- U ponudi nije dostavljen spisak izvršenih ugovora o izvršenju usluga kako je traženo tačkom 13.9. pod a) tenderske dokumentacije, cijeneći da je član grupe ponuđača Saobraćajni institut CIP d.o.o. Beograd dostavio Referenc listu koja nije na poslovnom papiru/memorandumu, te ista ne sadrži vrijednost ugovora i sjedište ugovornih strana.
Naime, tačkom 13.9. pod a) tenderske dokumentacije je traženo da ponuđač dostavi Spisak izvršenih ugovora o izvršenju usluga koje su predmet nabavke, koji sačinjava sam ponuđač, na svom poslovnom papiru / memorandumu, potpisan od strane ponuđača i ovjeren pečatom ponuđača, koji sadrži ugovore minimalne ukupne ugovorene vrijednosti od 600.000,00 KM, u posljednje 3 (tri) godine zbirno (računajući od dana objave obavještenja o nabavci), ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od tri godine, koji za svaki izvršeni ugovor naveden u spisku obavezno sadrži naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora.
- Ponuđač nije dostavio Uvjerenja/Potvrde o radnom stažu izdate od poslodavca kod kojeg radi ili je radio i iz kojih se može utvrditi da zadovoljava tražene uslove, odnosno najmanje 10 godina profesionalnog iskustva i najmanje 5 godina iskustva u željezničkom sektoru, kako je traženo tačkom 13.9. pod c) tenderske dokumentacije za Ključnog stručnjaka 1. Istraživač i projektant u oblasti željezničkog saobraćaja.
Naime, grupa ponuđača je kao dokaz za ispunjenje uslova traženih članom 13.9. pod c) tenderske dokumentacije dostavila Uvjerenje Obaveznog socijalnog osiguranja i obrasce M-1/M-2 za Bošković Draganu, što se ne može smatrati Uvjerenjem/Potvrdom o radnom stažu izdate od poslodavca kod kojeg radi ili je radila.
- Ponuđač nije dostavio Uvjerenje/potvrdu o radnom stažu za ključnog stručnjaka 2. Stručnjak za projektovanje pruga, kako je traženo tačkom 13.9. pod d) tenderske dokumentacije.
Naime, grupa ponuđača je kao dokaz za tačku 13.9. pod d) tenderske dokumentacije dostavila Uvjerenje/potvrdu pravnog lica Bomega Projects o radnom iskustvu za razdoblje 1979.-2023.godine.
Tačkom 13.9. pod d) tenderske dokumentacije je kao dokaz traženo Uvjerenja/Potvrde o radnom stažu izdate od poslodavca kod kojeg radi ili je radio i iz kojih se može utvrditi da zadovoljava tražene uslove, odnosno najmanje 10 godina profesionalnog iskustva i najmanje 5 godina iskustva u željezničkom sektoru.
Cijeneći da cijelo navedeno razdoblje imenovani nije radio kod istog poslodavca (Bomega Projects), navedena Potvrda se ne može uzeti kao dokaz za ispunjavanje uslova iz tačke 13.9. pod d) cijeneći da imenovani nije cjelokupno navedeno radno iskustvo stekao kod pravnog lica koje potvrdu izdaje, već kod drugog pravnog lica kod kojeg je radio i od kojeg je trebao ishodovati potvrdu o radnom iskustvu kod istoga.
Grupa ponuđača je uz ponudu dostavila i Elektronički zapis Hrvatskog zavoda za mirovinsko osiguranje za Stjepana Kralja, a isto se ne može smatrati dokazom u smislu tačke 13.9. pod d) tenderske dokumentacije obzirom da je tražena potvrda/uvjerenje o radnom stažu poslodavca kod kojeg radi ili je radio.
- Grupa ponuđača je propustila da dostavi CV za Ključnog stručnjaka 3. Stručnjak za signalno-sigurnosne uređaje i telekomunikaciju, kako je propisano tačkom 13.9. pod e) tenderske dokumentacije.
- Grupa ponuđača je propustila da dostavi za Ključnog stručnjaka 6. Stručnjak za izradu studija izvodljivosti dokaz o kvalifikaciji - stručnoj spremi kako je traženo prilogom 10 tenderske dokumentacije - projektni zadatak, odnosno da isti ima kvalifikaciju najmanje mr.sci.
Naime, grupa ponuđača je dostavila Diplomu za Karanović Suzanu (diplomirani ekonomist), ali ne i dokaz da ista posjeduje kvalifikaciju mr.sci., a kako je traženo prilogom 10 tenderske dokumentacije - Projektni zadatak.
Također, grupa ponuđača za imenovanu nije dostavila Uvjerenja/Potvrde o radnom stažu izdate od poslodavca kod kojeg radi ili je radio i iz kojih se može utvrditi da zadovoljava tražene uslove, odnosno najmanje 10 godina profesionalnog iskustva i najmanje 5 godina iskustva u željezničkom sektoru, kako je

traženo tačkom 13.9. pod h) tenderske dokumentacije za Ključnog stručnjaka 6. Stručnjak za izradu studija izvodljivosti.

Naime, grupa ponuđača je kao dokaz za ispunjenje uslova traženih članom 13.9. pod h) tenderske dokumentacije dostavila uvjerenja Obaveznog socijalnog osiguranja i obrasce MA i M-1/M-2 za Ljumović Suzanu, što se ne može smatrati Uvjerenjem/Potvrdom o radnom stažu izdate od poslodavca kod kojeg radi ili je radila.

- Izjava koja se zahjeva tačkom 12.2. tenderske dokumentacije, a odnosi se na član 45. Zakona, od strane člana grupe Saobraćajni institut CIP d.o.o. Beograd je dostavljena na način da datum i mjesto davanja izjave nije popunjeno. Navedenom tačkom tenderske dokumentacije se zahtjeva da je ponuđač dužan dostaviti popunjenu, potpisanu i ovjerenu od strane ponuđača i ovjerenu kod nadležnog organa predmetnu izjavu. Isti je propustio da dostavi popunjenu Izjavu u dijelu koji se odnosi na mjesto i datum, što je u suprotnosti sa tačkom 12.2. tenderske dokumentacije i tačkom 17.4. tenderske dokumentacije.
- Izjava koja se zahtjeva tačkom 3.1. tenderske dokumentacije, a odnosi se na član 52. Zakona, od strane člana grupe Saobraćajni institut CIP d.o.o. Beograd nije dostavljena na način kako se zahtjeva navedenom tačkom. Naime, tačkom 3.1. je propisano da je svaki ponuđač uz ponudu dužan dostaviti popunjenu, potpisanu i ovjerenu od strane ponuđača i ovjerenu kod nadležnog organa originalnu izjavu koja se odnosi na član 52. Zakona. Isti je propustio da u izjavi koju je dostavio kao dokaz za tačku 3.1. tenderske dokumentacije popuni mjesto i datum davanja izjave.
- Ponuda nije dostavljena u skladu sa tačkom 16.2. tenderske dokumentacije cijeneći da je na koverti ponude naveden samo naziv i adresa ponuđača „PPG“ d.o.o. Sarajevo, ali i ne ostalih članova grupe ponuđača (Saobraćajni institut CIP d.o.o. Beograd). Naime, tačkom 16.2. tenderske dokumentacije je propisano da je na zadnjoj strani koverta ponuđač dužan navesti naziv ponuđača/grupe ponuđača i adrese ponuđača/grupe ponuđača.

Na osnovu gore navedenog, ponuda je odbačena u skladu sa članom 68. tačka (4) pod i) Zakona, jer ista nije potpuna i ne ispunjava zahtjeve iz tenderske dokumentacije.

Nakon pregleda ponuda, Komisija je dala preporuku Upravi Društva da donese Odluku o poništenju postupka za javnu nabavku usluga – Izrada studije sa idejnim rješenjem za novu prugu Vareš – Banovići sa usklađenjem na postojeće pruge: Podlugovi – Vareš i Banovići – Živinice, tender broj: UD-10861-1/2023, na osnovu člana 69. stav (2) pod d), jer nijedna od primljenih ponuda nije prihvatljiva.

Uprava Društva je prihvatila preporuku Komisije iz **Zapisnika o pregledu i ocjeni ponuda sa preporukom Komisije broj: 10861-1-1/2023 od 03.11.2023. godine i donijela Odluku o poništenju postupka javne nabavke, broj: UD-19632-1-10.1./2023 od 15.11.2023. godine.**

Nezadovoljan Odlukom o poništenju postupka broj: UD-19632-1-10.1./2023 od 15.11.2023. godine, Grupa ponuđača: „IPSA INSTITUT“ d.o.o. Sarajevo i „SARAJ INŽINJERING“ d.o.o. Sarajevo je na istu uložila žalbu dana 30.11.2023. godine ugovornom organu, osporavajući izvršenu ocjenu njihove ponude od strane Komisije po tačkama 13.9. pod h) i 16.2. tenderske dokumentacije.

Razmatrajući žalbene navode, Komisija ispred ugovornog organa žalbu odbija kao neosnovanu, te je sa izjašnjenjem na istu broj: 1-20952-1/2023 od 01.12.2023. godine prosljeđuje Uredu za razmatranje žalbi.

Rješenjem broj: JN2-03-07-1-3552-7/23 od 28.12.2023. godine Ured za razmatranje žalbi, **usvaja žalbu žalitelja, cijeneći žalbene navode osnovanim i poništava Odluku o poništenju postupka javne nabavke, broj: UD-19632-1-10.1./2023 od 15.11.2023. godine, te predmet vraća ugovornom organu na ponovni postupak u kojem će postupiti po stavovima iznesenim u Rješenju i donijeti novu odluku u skladu sa Zakonom i podzakonskim aktima.**

Naime, **Ured za razmatranje žalbi u svom Rješenju, na strani 10.**, ističe da je žalitelj dostavio Potvrdu/Uvjerenje poslodavca na strani 265. ponude kojom se potvrđuje da je Ključni stručnjaka 6./Vođa Tima (Smajo Salketić) u stalnom radnom odnosu na neodređeno vrijeme od 15.05.2014. godine, iz čega ugovorni organ izvodi zaključak, a imajući u vidu datum izdavanja Potvrde/Uvjerenja (02.10.2023. godine) da isti ima 9 godina 4 mjeseca i 27 dana radnog iskustva. Međutim stiče dalje da ugovorni organ zanemaruje činjenicu da je tražio Uvjerenje /Potvrdu izdatu od strane poslodavca kod kojeg radi ili je radio i iz kojih se može utvrditi da zadovoljava tražene uslove, odnosno najmanje 10 godina profesionalnog iskustva, a žalitelj je i dostavio Uvjerenje/Potvrdu koju je izdao poslodavac kod kojeg imenovani stručnjak radi, a koji je ujedno član grupe ponuđača/žalitelja u predmetnom postupku javne nabavke, kojom se potvrđuje da sa danom izdavanja uvjerenja isti ima ukupno radno iskustvo na poslovima u struci sa visokom stručnom spremom od 47 godina 8 mjeseci i 28 dana. S tim u vezi, ovaj organ ističe da jedan dio potvrde potvrđuje radni status imenovanog diplomiranog inženjera saobraćaja kod poslodavca, tj. da je isti u radnom odnosu na neodređeno vrijeme od 15.05.2014. godine, ali to ne znači da je imenovani sticao radno iskustvo kod tog poslodavca isključivo kao zaposlenik na neodređeno vrijeme, već je to iskustvo, pored rada na neodređeno vrijeme, mogao steći i radom na određeno vrijeme, angažmanom po ugovoru o djelu i sl., što potvrđuje i potvrda na strani 267. do 269. ponude žalitelja, koja također ima značaj javne isprave, jer se istom potvrđuju činjenice iz evidencije izdavatelja, a uz koje se vidi da je imenovani Smajo Salketić, dipl. ing. saob., kod istog poslodavca koji je izdao u Uvjerenje/Potvrdu na strani 265. ponude samo po jednom ugovoru/projektu (pod rednim brojem 18.) bio angažiran u periodu od 2004. do 2014. godine, što je prije zasnivanja radnog odnosa na neodređeno vrijeme, a koje je ujedno dokaz o najmanje 5 godina radnog iskustva u željezničkom sektoru, dok je potvrda na strani 271. ponude dokaz o iskustvu u izradi studija izvodljivosti i/ili predhodnih studija izvodljivosti za izgradnju/rekonstrukciju/rehabilitaciju najmanje ukupno 50 km konvencionalnih pruga u zadnjih 10. godina.

Kako je žalitelj dostavio Potvrdu/Uvjerenje poslodavca kod kojeg imenovani stručnjak radi, kako je i traženo tenderskom dokumentacijom, kojom se potvrđuje sa sa danom izdavanja uvjerenje/potvrde isti ima 47 godina 8 mjeseci i 28 dana radnog iskustva na poslovima u struci sa visokom stručnom spremom, što je više od zahtjevanih 10 godina profesionalnog iskustva, Ured za razmatranje žalbi, žalbeni navod koji se odnosi na tačku 13.9. pod h) tenderske dokumentacije cijeni osnovanim.

Također, **Ured za razmatranje žalbi u svom Rješenju, na strani 12.**, ističe da je uvidom u ponudu žalitelja utvrdio da je isti na strani 3. do 7. ponude dostavio Obrazac za ponudu u kojem je naveo naziv, adresu, poštanski broj, grad i državu kako predstavnika grupe ponuđača, tako i člana grupe ponuđača. Također, na strani 363 ponude žalitelj je dostavio Nacrt sporazuma (Prilog 6) u kojem je naveo naziv, adresu i sjedište kako predstavnika grupe ponuđača, tako i člana grupe ponuđača.

U vezi sa utvrđenim Ured za razmatranje žalbi ističe da ugovorni organ nije mogao ponudu žalitelja odbaciti iz razloga što je na koverti za člana grupe „SARAJ INŽINJERING“ d.o.o. Sarajevo naveden naziv, ali ne i adresa ponuđača, budući da se iz koverta jasno zaključuje da ponudu dostavlja grupa ponuđača, a adresa kako predstavnika grupe ponuđača, tako i člana grupe ponuđača „SARAJ INŽINJERING“ d.o.o. Sarajevo je navedena u samoj ponudi žalitelja kako je to naprijed utvrđeno. Stoga i ovaj žalbeni navod koji se odnosi na tačku 16.2. tenderske dokumentacije Ured za razmatranje žalbi cijeni osnovanim.

Postupajući po Rješenju URŽ-a broj: JN2-03-07-1-3552-7/23 od 28.12.2023. godine, u kojem se usvajaju žalbeni navodi žalitelja kao osnovani kako je predhodno gore obrazloženo, Komisija ponudu Grupe ponuđača: „IPSA INSTITUT“ d.o.o. Sarajevo i „SARAJ INŽINJERING“ d.o.o. Sarajevo proglašava prihvatljivom na osnovu člana 2. stav (1) tačka 1) pod 1) Zakona.

Obzirom da je istekla opcija ponude i garancije za ozbiljnost ponude Grupe ponuđača: „IPSA INSTITUT“ d.o.o. Sarajevo i „SARAJ INŽINJERING“ d.o.o. Sarajevo, ponuđaču je upućen dopis broj: 1-1644-1/2024 od 26.01.2024. godine za produženje opcije ponude i garancije u predmetnom postupku javne nabavke. Ponuđač je dana 29.01.2024. godine dostavio izjavu/saglasnost broj: 243/24 za produženje perioda važenja ponude i produženu garanciju za ozbiljnost ponude.

Postupajući po Rješenju URŽ-a broj: JN2-03-07-1-3552-7/23 od 28.12.2023. godine, Komisija je dala preporuku Upravi Društva za donošenje Odluke o izboru najpovoljnijeg ponuđača kojom se Ugovor za javnu nabavku usluga –

Izrada studije sa idejnim rješenjem za novu prugu Vareš – Banovići sa usklađenjem na postojeće pruge: Podlugovi – Vareš i Banovići – Živinice, tender broj: UD-10861-1/2023, dodjeljuje Grupi ponuđača: „IPSA INSTITUT“ d.o.o. Sarajevo i „SARAJ INŽINJERING“ d.o.o. Sarajevo u ukupnom iznosu od 559.350,00 KM bez PDV-a, odnosno 654.439,50 KM sa PDV-om.

Ugovor se dodjeljuje u skladu sa članom 64. stav (1) tačka a) Zakona, tj. u skladu sa kriterijem ekonomski najpovoljnije ponude.

Nakon provedenog postupka, te Zapisnika o pregledu i ocjeni ponuda sa preporukom Komisije, broj: 10861-1-2/2023 od 02.02.2024. godine, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba JP ŽFBiH d.o.o. Sarajevo, u roku od 10 (deset) dana od dana prijema iste, a u skladu sa članom 99. i 101. Zakona.

Dostaviti:

- Željeznička infrastruktura,
- Sektor za nabavke i prodaju x2,
- Sektor plana, analize i raspoređivanja prihoda,
- Ponuđač x2,
- Uz Zapisnik,
- a/a.

VD Predsjednika Uprave – Generalnog direktora
Enis Džafić, mr.ecc.

